



Qitornat sumi qaqugulu akiuussutissinneqarsinnaanersoq akiuussusersuinermut pilersaarummi uaniittumi takuuk:

[corona.nun.gl/vaccination](https://corona.nun.gl/vaccination)

Meeqqat marlunniit arfinilinnut ukiullit akiuussusersorneqarnissaat pillugu uani annertunerusumik atuagaqarit:

[corona.nun.gl](https://corona.nun.gl)

## Meeqqanut marlunniit arfinilinnut ukiullinut nualluummut akiuussutissaq

Inuit tamarmik nuallulersinnaapput – aamma meeqqat. Ukioq manna marlunniit arfinilinnut ukiullit nualluummut akiuussutissinneqarsinnaalerput. Meeqqat sorlukkut seqqittagaq atorlu-  
gu akiuussutissinneqassapput.

Peqqjinnissamut oqartussaasut inassutigaat, meeqqat akiuussutissinneqarnissaannut neqeroorut akuerineqassasoq, taamaalillunilu meeqqat, ilaqtariit inuiaqatigilli sinnerini tuniluut-toqarnissaa pinaveersaardeqassasoq.



## **SOOQ MEEQQAT MARLUNNIIT ARFINILINNUT UKIULLIT NUALLUUM- MUT AKIUUSSUTISSINNEQARNIS- SAAT INASSUTIGINEQARPA?**

### **Ilaqutariinnut meeratalinnut isumaa**

Nualluummut akiuussutissiinermi siulertut pingarnertullu meeqqat taamatut ukiullit ilaquaallu tuniluuttoqarnissaanut illorsorneqassapput.

Nuallut virusiuvoq tuniluuttoq, anersaartorfinnut eqquisartoq. Meeqqat marlunniit arfinilinnut ukiullit nuallulersut amerlanersaat sakkukitsumik peruluffiunngitsumillu napparsimasarput – kisiannili meeqqanit tunillatsissimasunit ikittunnguit anersaartorfitsigut ajornartorsiuteqalersinnaapput, nakorsamit ikiorserneqarnissamik unitsinneqarsinnaanermilluuniit pisariaqartitsiviulersumik.

Pingartumik meeqqat mikisut nuallummik napparsimangaatsialersinnaapput, taamaattumillu assersuutigulu meeqqat qatanngutiminnut nukarlernut tunillaassuinissaasa pinaveersaartinnissaa naapertutissaaq.

Ilaqutariinni meeratalinni akiuussutissaq napparsimasoqaqqinnissaanut pinaveersaartsisinnavaoq, aammalu suliartunngitsoornerit, angerlartitsinerit, mattusimanerit ullullu napparsimaffusut, ulluinnarni ilaqtariit inuunerannut toqqissisimanerannullu sunniuteqarsinnaasut iklisinneqarsinnaallutik.

### **Inuaqatigiinnut isumaa**

Meeqqat marlunniit arfinilinnut ukiullit akiuussutissinneqarnissaat nualluttip virusiata innuttaasunut tamanut siaru-aannissaanut pinaveersaartitse-qataasinnaavoq. Tassami meeqqat inersimasunut naleqqiullutik akulikinerusumik nuallummik eqorneqartput. Aamma meeqqat inersimasunut sanilliullutik akulikinnerusumik sivisunerusumillu virusimik katagaasarput, taamaalillutillu amerlanerusunut tunillaasarlutik. Aamma meeqqat ullup ingerlanerani attaveqarfingisaat amerlanerusarput, attaveqarfingisaallu tunillatsissinnaapput tuniluunnerlu inuaqatiginnut ingerlateqqissinnaallugu.

Meeqqat marlunniit arfinilinnut ukiullit akornanni nuallummik pinaveersaartsinssini nualluttip tuniluutingaatsiarsinnaanera annikillisissinnaavarput. Pingartumik ukioq manna, aamma COVID-19-imik sorsugassaqafigisatsinni peqqinnissaqaqarfiup artukkerneqarnissaa pinaveersaartussaagatsigu, aammalu inuaqatiginni sangiinnerit napparsimarululersinnaasut illersortussaagatsigit tamanna pingartorujussuovoq.

Nuallut inuppassuarnut, aammat-taaq COVID-19-imik tunillatsinnerminni napparsimarululernissamut ilima-naateqarnerpaasunut ulorianartorsior-titsisuovoq. Inuit taakku nappaatinit marluusunit taakkunannga ataatsikkut tunillanneqarunik napparsimarululersinnaapput.

### **NUALLUUT SUNAAVA?**

Nuallut virusiuvoq tuniluutiasorujus-suaq, anersaartorfinnut eqquisartoq. Nuallut quersornermi tangajornermilu kuserneeqqatigut aammalu kuserneeqat virusitullu tuffigisaat aqqtigalugit tunillaattarpooq.

Meeqqat marlunniit arfinilinnut ukiullit nuallulersut amerlanersaat sakkitsumik peruluffiunngitsumillu napparsimasarput, soorlu kissarneqalerlutik, quersorlutik qasooqqallutillu. Kisianni meeqqanit tunillatsissimasunit ikit-tunguit anersaartorfitsigut ajornartorsiuteqalersinnaapput, soorlu anersaartorfitsigut aseruuttoorsinnaapput astmaqarnerminniluuniit ajornerulersinnaallutik, nakorsamit ikiorserneqarnissamik unitsinneqarsinnaanermilluuniit pisariaqartitsiviulersumik.

### **QANOQ ILIORLUNI MEEQQAT AKI- UUSSUTISSINNEQASSAPPAT?**

Nualluummut akiuussutissaq meeqqanit atugassatut ineriartortitaavoq akue-riasaallunilu. Sorlukkut seqqittagaavoq, sorluit illuttut seqqinneqartarlutik. Pitsaanerpaamik illersorneqarnissaq anguniarlugu marloriarluni akiuussutissisoqartussaavoq, sivikinnerpaamik sapaatit akunnerinik sisamanik akuttussilinnik. Meeraq siusinnerusukkut nualluummut akiuussutissinneqarsi-mappat ataasiaannarluni akiuussutissisoqassaaq.

Akiuussutissami virusit uumasuupput nukillaartitat. Akiuussutissaq virusip pujoralasaanik ilivitsunik, nualluutit

aallaaviinit sisamaneersunik, meeqqani peqqissuni napparsimatitsisinnajun-naarsitaasunik akoqarpoq.

Kalaallit Nunaanni peqqinnissamut oqartussaasut inassutigaat, meeqqat marlunniit arfinilinnut nualluummut akiuussutissinneqarnissaannut neqeroorut akeqanngitsoq akuerineqassasoq. Aamma Danmarkimi Peqqissutsimut Aqutsisoqarfiup tamanna inassutigaa. Nunat arlallit, ilaqtigut Finland aamma England, meeqqanut nualluummut akiuussutissamik neqerooruteqarta-reerput.

### **AKIUUSSUTISSAP KINGUNERLUUTI- GISINNAASAI SUUPPAT?**

Sorlukkut seqqittaat atorlugu nualluummut akiuussutissinneqarnermi kingunerluutaasartut amerlanerpaat sakkukitsumik sivikitsumillu atuuttarput. Kingunerluuteqarnermi sorluit milinngasinnaapput kakkiliortoqarsinnaallunilu, niaqlorluttoqarsinnaavoq, kissarneqartoqarsinnaavoq, nukilerisoqarsinnaavoq nerilaannerusoqarsinnaallunilu. Sakkortuunik kingunerluuteqarsinnaaneq, soorlu sapigaqarnermi, annikitsuaraavoq meeqqanullu akiuussutissat allat kingunerluutigisinnaasaat annertoqatagalugit.

Meeqqat soorlu timaasa illersuuteqarnerat annikingaatsiartut imaluunniit astmaqangaatsiartut akiuussutissinneqassangillat. Qitornavit akiuussutissaq sapinnginneraa nalorniguit nakorsamik naliliititsisinnavaavutit.